

REGLUGERÐ FRAMKVÆMDASTJÓRNARINNAR (ESB) 2016/26

2016/EES/27/44

frá 13. janúar 2016

um breytingu á XVII. viðauka (viðvikjandi nónýlfenóletoxýlötum) við reglugerð Evrópuþingsins og ráðsins (EB) nr. 1907/2006 um skráningu, mat, leyfisveitingu og takmarkanir að því er varðar efni (efnareglurnar (REACH)) (*)

FRAMKVÆMDASTJORN EVROPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1907/2006 frá 18. desember 2006 um skráningu, mat, leyfisveitingu og takmarkanir, að því er varðar efni (efnareglurnar (REACH)), um stofnun Efnastofnunar Evrópu, um breytingu á tilskipun 1999/45/EB og um niðurfellingu á reglugerð ráðsins (EBE) nr. 793/93 og reglugerð framkvæmdastjórnarinnar (EB) nr. 1488/94, sem og tilskipun ráðsins 76/769/EBE og tilskipunum framkvæmdastjórnarinnar 91/155/EBE, 93/67/EBE, 93/105/EB og 2000/21/EB ⁽¹⁾, einkum 1. mgr. 68. gr.,

og að teknu tilliti til eftirfarandi:

- 1) Hinn 2. ágúst 2013 lagði Konungsríkið Svíþjóð málsskjöl (hér á eftir nefnd málsskjöl skv. XV. viðauka) fyrir Efnastofnun Evrópu (hér á eftir nefnd Efnastofnunin), skv. 4. mgr. 69. gr. reglugerðar (EB) nr. 1907/2006, í því skyni að hefja málsmeðferð varðandi takmarkanir í samræmi við 69. til 73. gr. þeirrar reglugerðar. Upphaflega bentu málsskjölin skv. XV. viðauka til að váhrif vegna nónýlfenóls (NP) og nónýlfenóletoxýlata (NPE) sköpuðu áhættu fyrir umhverfið, einkum fyrir lagartegundir sem lifa í yfirborðsvatni. Í því skyni að takmarka slíka áhættu er lagt til í málsskjölunum að banna setningu textílvara, sem unnt er að þvo í vatni, á markað ef þær innihalda nónýlfenól eða nónýlfenóletoxýlöt í styrk sem er 100 mg/kg eða meiri (0,01% miðað við þyngd). Málsskjölin skv. XV. viðauka sýna að nauðsynlegt er að grípa til aðgerða á vettvangi Sambandsins.
- 2) Á meðan samráð við almenning varðandi málsskjölin skv. XV. viðauka fór fram mælti Svíþjóð með því að nónýlfenól yrði undanskilið gildissviði tillagðrar takmörkunar þar eð efnið er ekki notað af ásetningi í vinnslu textílefna. Áhættumatsnefndin og nefnd um félagshagfræðilega greiningu á vegum Efnastofnunarinnar taldi útilokun nónýlfenóls réttlætanagera þegar hún var metin með tilliti til skilvirkni, framkvæmanleika og vöktunarmöguleika takmörkunarinnar. Því ættu einungis nónýlfenóletoxýlöt að falla undir tillagða takmörkun.
- 3) Í málsskjölunum skv. XV. viðauka eru nónýlfenóletoxýlöt skilgreind sem greinótt og línuleg etoxýlöt af nónýlfenóli sem ná yfir efni, sem eru skilgreind með CAS- eða EB-númerum, og UVCB-efni, fjölliður og raðkvæmi. Efnin í þeim hópi eru auðkennd með sameindaformúlunni $(C_2H_4O)_n C_{15}H_{24}O$.
- 4) Í nokkrum markaðskönnunum, sem um getur í málsskjölunum skv. XV. viðauka, er bent á tilvist nónýlfenóletoxýlata í textílvörum í mismunandi styrkleika. Setning nónýlfenóletoxýlata á markað og notkun þeirra, sem efni eða í blöndum, til vinnslu á textílfnum og leðri er þegar takmörkuð með færslu 46 í XVII. viðauka við reglugerð (EB) nr. 1907/2006. Við sémilega fyrirsjáanleg skilyrði við þvott á textílvörum í vatni skapar losun nónýlfenóletoxýlata í vatnsumhverfið hins vegar áhættu fyrir lagartegundir.

(*) Þessi ESB-gerð birtist í Stjtið. ESB L 9, 14.1.2016, bls. 1. Hennar var getið í ákvörðun sameiginlegu EES-nefndarinnar nr. 82/2016 frá 29. apríl 2016 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, biður birtingar.

(1) Stjtið. ESB L 396, 30.12.2006, bls. 1.

- 5) Vegna samræmis við reglugerð Evrópuþingsins og ráðsins (ESB) nr. 1007/2011 ⁽²⁾ ætti tillögð takmörkun varðandi textílvörur að ná yfir vörur sem innihalda a.m.k. 80% af textíltrefjum miðað við þyngd og aðrar vörur sem innihalda hluta sem samanstendur af a.m.k. 80% af textíltrefjum miðað við þyngd. Til glöggvunar er enn fremur heppilegt að tilgreina að textílvörur ná yfir ófullunnar vörur, hálfunnar vörur og fullunnar vörur, þ.m.t. vörur á borð við fatnað (t.d. fyrir fólk, leikföng og dýr), fylgihluti, textílvörur til innanhússnota, trefjar, garn, efni og þrjónaða klæðisdúka.
- 6) Hinn 3. júní samþykkti áhættumatsnefndin með samhljóða samþykki álit um þá takmörkun sem lögð er til í málsskjölunum skv. XV. viðauka og staðfesti áhættu í tengslum við váhrif vegna niðurbrotsefna nónýlfenóletoxýlata. Áhættumatsnefndin mælti enn fremur með takmörkuninni sem bestu ráðstöfuninni á vettvangi Sambandsins til að takast á við áhættunna sem stafa af nónýlfenóletoxýlötum í textílvörum, bæði að því er varðar skilvirkni og framkvæmanleika.
- 7) Hinn 9. september 2014 samþykkti nefndin um félagshagfræðilega greiningu með samhljóða samþykki álit um þá takmörkun sem lögð er til í málsskjölunum skv. XV. viðauka og benti á að tillögð takmörkun varðandi nónýlfenóletoxýlöt sé besta ráðstöfunin á vettvangi Sambandsins til að takast á við þá áhættu sem greinst hefur, með hliðsjón af því að félagslegur og hagrænn ávinningur hennar er í réttu hlutfalli við félagslegan og hagrænan kostnað af henni.
- 8) Í samræmi við málsskjölin skv. XV. viðauka og eins og áhættumatsnefndin og nefndin um félagshagfræðilega greiningu staðfestu eru mörkin 0,01% miðað við þyngd minnsti styrkurinn sem samsvarar meðhöndlun textílefna af ásetningi með nónýlfenóletoxýlötum. Í athugasemdum, sem bárust meðan á samráðinu við almenning stóð, var staðfest að mörk undir 0,01% miðað við þyngd myndu valda töluverðum vandamálum við framfylgd þar eð textílefni geta mengast af nónýlfenóletoxýlötum í þetta litlum styrk vegna tilfallandi váhrifa í vinnsluferlinu. Enn fremur myndi það að lækka mörkin 0,01% fimmfalt (niður í 0,002% miðað við þyngd) einungis minnka losun um stuðulinn 1,25 sem myndi minnka styrk nónýlfenóletoxýlata í yfirborðsvatni um 5% til viðbótar í samanburði við mörkin 0,01% miðað við þyngd.
- 9) Haft var samráð við gagnaskiptatorg vegna framkvæmdar og var tekið tillit til ráðlegginga þess.
- 10) Hinn 1. október 2014 lagði Efnastofnunin fyrir framkvæmdastjórnina álit áhættumatsnefndarinnar og álit nefndarinnar um félagshagfræðilega greiningu og á grundvelli þeirra álita komst framkvæmdastjórnin að þeirri niðurstöðu að tilvist nónýlfenóletoxýlata í textílvörum hefur í för með sér óviðunandi áhættu fyrir umhverfið sem krefst aðgerða á vettvangi Sambandsins. Tekið hefur verið tillit til félagslegra og hagrænna áhrifa takmörkunarinnar, þ.m.t. tiltækieika annarra kosta.
- 11) Gert er ráð fyrir að notuð textílefni hafi yfirleitt verið þvegin nokkrum sinnum áður en þriðja aðila er afhent efnið eða honum boðið það og því muni textílefnið innihalda óverulegt magn eða ekkert af nónýlfenóletoxýlötum. Til samræmis við það ætti að undanþiggja setningu notaðra textílværa á markað frá takmörkuninni. Á sama hátt má gera ráð fyrir að endurunin textílefni innihaldi óverulegt magn eða ekkert af nónýlfenóletoxýlötum og til samræmis við það ætti takmörkunin ekki að gilda um nýjar textílvörur ef þær eru eingöngu framleiddar úr endurnýttum textílefnum án þess að nónýlfenóletoxýlöt séu notuð.
- 12) Hagsmunaaðilar ættu að fá nægilegan tíma til að gera viðeigandi ráðstafanir vegna framfylgdar, einkum til að tryggja fullnægjandi samskipti innan hinnar flóknu, hnattrænu aðfangakeðju. Nýja takmörkunin ætti því að koma til framkvæmda síðar.
- 13) Því ætti að breyta reglugerð (EB) nr. 1907/2006 til samræmis við það.
- 14) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót skv. 133. gr. reglugerðar (EB) nr. 1907/2006.

SAMÞYKKT REGLUGERÐ ÞESSA:

1. gr.

Ákvæðum XVII. viðauka við reglugerð (EB) nr. 1907/2006 er breytt í samræmi við viðaukann við þessa reglugerð.

⁽²⁾ Reglugerð Evrópuþingsins og ráðsins (ESB) nr. 1007/2011 frá 27. september 2011 um heiti textíltrefja og viðkomandi merkimiða og merkingar varðandi trefjasamsetningu textílværa og um niðurfellingu á tilskipun ráðsins 73/44/EBE og tilskipunum Evrópuþingsins og ráðsins 96/73/EB og 2008/121/EB (Stjtið. ESB L 272, 18.10.2011, bls. 1).

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 13. janúar 2016.

Fyrir hönd framkvæmdastjórnarinnar,

Jean-Claude JUNCKER

forseti.

VIÐAUKI

Í XVII. viðauka við reglugerð (EB) nr. 1907/2006 bætist við eftirfarandi ný færsla 46a:

„46a. Nónýlfenóletoxýlöt (NPE) (C ₂ H ₄ O) _n C ₁₅ H ₂₄ O)	<ol style="list-style-type: none">1. Skulu ekki sett á markað eftir 3. febrúar 2021 í textílvörum, sem má ætla að verði þvegnar í vatni á eðlilegum vistferli þeirra, í styrk sem er 0,01% eða meiri miðað við þyngd viðkomandi textílvöru eða hvers hluta textílvörunnar.2. Ákvæði 1. liðar gilda ekki um setningu notaðra textílvara á markað eða nýrra textílvara sem eru eingöngu framleiddar úr endurnýttum textílefnum án þess að nónýlfenóletoxýlöt séu notuð.3. Að því er varðar 1. og 2. lið eru „textílvörur“ allar ófullunnar vörur, hálfunnar vörur eða fullunnar vörur sem innihalda a.m.k. 80% af textíltrefjum miðað við þyngd eða aðrar vörur sem innihalda hluta sem samanstendur af a.m.k. 80% af textíltrefjum miðað við þyngd, þ.m.t. vörur á borð við fatnað, fylgihluti, textílvörur til innanhússnota, trefjar, garn, efni og þrjónaða klæðisdúka.“
---	--